

# Retreat MTM Kolej Kedua rancang aktiviti



Para peserta Retreat MTM Kolej Kedua bergambar berkumpulan.

**AYER KEROH (3-6 Dis)** - Seramai 44 mahasiswa terdiri daripada 28 orang ahli Majlis Tertinggi Mahasiswa, Kolej Kedua, 16 orang Top Blok dan Sekretariat dan lima felo dan pegawai pengiring terlibat dalam Retreat Majlis Tertinggi Mahasiswa, Kolej Kedua bagi sesi 2005-2006. Program tersebut diadakan dengan kerjasama daripada pihak pengurusan Kolej Kedua, Universiti Putra Malaysia.

Program yang telah berlangsung selama empat hari dan tiga malam tersebut telah diadakan di Kolej Kedua, Universiti Putra Malaysia dan juga di Hotel AnCasa, MITC, Ayer Keroh, Melaka. Program ini dijalankan bertujuan untuk membentangkan dan membincangkan aktiviti-aktiviti yang dirangka untuk dilaksanakan di Kolej Kedua oleh barisan Majlis Tertinggi Mahasiswa Kolej Kedua sesi 2005-2006.

Selain itu, ia juga bertujuan untuk membentuk program-program yang dapat memanfaatkan semua kolegiat dari segi akademik dan sahsiah. Program ini juga diharapkan dapat merapatkan lagi ukhwah di kalangan ahli Majlis Tertinggi Mahasiswa Kolej Kedua dengan pihak pengurusan Kolej Kedua.